



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Constans Defensio, Ex S. Scriptura, Et Vera Catholica
Doctrina, Atque Observatione Vniuersalis Christianæ
Ecclesiæ Deliberationis de Christiana Reformatione**

Bucer, Martin

Genevae, 1613

Vtrum Ordinatio Libri non sit fundata in scriptura & Canonibus

urn:nbn:de:hbz:466:1-34315

Tricesimaquinta Accusatio.

*De Reformatione, & Restitutione Collegiorum.**Vtrum Ordinatio Libri non sit fundata in Scriptura & Canonibus.**Vtrum non sit Canonibus consentaneum, ut Presbyteri ad praedicationem Sacramentorum: Diaconi verò & Subdiaconi ad ministerium Eleemosynarum esse applicent.*

CAP. CXXV.



O loco dicunt Ordinationem Libri, esse nouitiū & humanum inuentum, absque omni Scripturæ Sacræ fundamento: sed antiquis Canonibus, institutionibus, & institutionibus Metropolitanæ, & aliarum Ecclesiarum repugnans.

Satis quidem audacter hoc scribunt Aduersarij, verum ne minima quidem ex parte probant. Iudicium esto penes omnes prudentes Christianos, postquam Ordinationem in Libro præscriptam, ad normam S. Scripturæ, & Canonum examinauerint. Iuxta verbum Dei, & Canones, non contra, debent omnes Ecclesiasticæ fundationes tēperari, & obseruari.

Primum omnium vbi lenitatis cuiusdam, & non extremi rigoris, in Reformatione significationem damus, & in Libro memoratur, quod si ad integrum deberent personæ Collegiorum reformari, oporteret vt omnes Collegiorum præpositi, & quotquot eorum sunt membra, nēpe Sacerdotes: Diaconi, Subdiaconi, Canonici, Vicarij, denique & omnes Clerici, ad formam redirent & modum, quem Canones nominibus istis & ministris præscribunt. Ad hoc scribunt Aduersarij: Vtinam cōcedat Deus, vt talis aliqua Reformatio, qualem Canones exigunt, à capite ad infima vsque membra, ordinatè, & quomodo fieri decet, quærat, & instituat.

At quis fidem illis habere potest, quod seriò & ex animo loquantur? Deus enim hoc vult, ac præcipit: ipsi verò id facere negligunt & aspernantur.

Non ignorant Sacerdotes ex mandato sacrarum litterarum & Canonū debere ab omnibus mundanis negotiis ac fastu penitus subducere, & populo Christi in ministerio doctrinæ, & tota animarū Cura, sancta & irreprehensibili vita fideliter inseruire, & singulis Ecclesiis singulos præfectos esse, ab iisq; nō plus ad tēporalē necessitatē accipere, quā vnicuique ad ministeriū suum vtiliter Ecclesiis præstandum est necessarium. At quī sit vt hoc nō exequantur? Quare tantam præbendarum, imò etiam parochiarum copiam tenent, nulli verò inserviunt? Cui populo